



SAVEZ IZVIĐAČA U BOSNI I HERCEGOVINI • SAVEZ IZVIĐAČA FEDERACIJE BOSNE I HERCEGOVINE

SAVEZ IZVIĐAČA GRADA ZENICA

Maršala Tita 20, 72000 Zenica • www.sigze.org • Id br.4218376100006 • ASA Banka dd Sarajevo 1340100000095762



IZVIĐAČKO EKOLOŠKO TAKMIČENJE
“U SUSRET PROLJEĆU 2024.”
13. 04. 2024. ZENICA

MLAĐI IZVIĐAČI I PLANINKE



O našem gradu

Zenica, administrativno sjedište Zeničko-dobojskog kantona, leži u centralnom dijelu Bosne i Hercegovine, baš kao zjenica oka, po čemu je, neki kažu, i dobila svoje lijepo i toplo ime. U posljednjih 100 godina je simbol ovog pitomog grada postala crna metalurgija i Željezara, u njenoj prelijepoj kotlini izgrađen je čelični grad poput oličenja novog industrijskog svijeta. Ipak, u dušama Zeničana se zadržao vijekovima prenošeni osjećaj za ljepotu i tradiciju, koji zajedno s poslovičnim humorom i prirodnom vedrinom čini ove ljude zanimljivim sagovornicima i gostoljubivim domaćinima. Zenica je danas univerzitetski centar, grad muzike i teatra, sporta i mnogo čega još. Zenica se danas i pored crne metalurgije smatra eko gradom i gradom prelijepih i velikih parkova. Zenica broji oko 140 000 stanovnika.



U susret proljeću

Izviđačko eko-takmičenje »U susret proljeću« se već 19. godinu uspješno održava u našem gradu. Ono je već postalo tradicija zeničkih izviđača jer je ovo njihov dan, dan kada se oni nadmeću, takmiče u zdravom izviđačkom duhu, ali i dan kada se druže, upoznaju nove prijatelje i sklapaju nova prijateljstva, koja ostaju kao najtrajnija i neizbrisiva, vjerujemo ugodna uspomena.

I ovaj put Savez izviđača grada Zenica vas poziva da se družimo, takmičimo, da zajedno, svojim osmjesima i znanjem pokažemo čvrstu volju da ćemo da uradimo onoliko koliko možemo da prirodi vratimo ono što nam ona tako svesrdno pruža, i da se u svemu tome dobro zabavimo!

Pomozimo proljeću da zasja u punom sjaju i raskoši!

Dobro nam došli!



Satnica takmičenja

Jedna od karakteristika izviđaštva je disciplina i red, te stoga molimo sve ekipe da se pridržavaju sljedeće satnice:

13. 04. 2024. (subota)

9:45	Dolazak ekipa na takmičenje
10:00 – 10:15	Svečana ceremonija otvaranja takmičenja
10:15 – 10:45	Prijava ekipa
10:45	Početak takmičenja
16:00	Završetak takmičenja
18:00 – 18:30	Svečana ceremonija zatvaranja i proglašenje pobjednika

Organizator zadržava pravo promjene satnice ako iz objektivnih razloga za to bude potrebe.

Dolazak ekipa za takmičenje je predviđeno na Trgu Alije Izetbegovića (robna kuća Bosanka) najdalje do 9:45.



Ishrana

Organizator takmičenja je obezbjedio 1 obrok (sendvič, sok, slatkiš) koji će biti uručen članovima ekipa u toku prijave.

Pratioci ekipa takođe imaju obezbjeđen 1 obrok.



Štab takmičenja

Starješina takmičenja: Edin Šarić

Pomoćnik starješine: Zekerijah Avdić

Načelnik takmičenja: Kemal Mahmutović

Predsjednik takmičarske komisije: Hamza Isaković

Načelnica za kontrolore: Ajla Mujezinović

Delegat takmičenja: Željko Vojčić

Medicinsko osoblje: Atif Ljevaković

Domaćin: Sakib Halilović



Sastav ekipe

Na takmičenju mogu učestvovati ekipe mlađih izviđača čiji su članovi uzrasta od 11 do 15 odina, podrazumijeva se da mogu učestvovati i članovi koji u godini održavanja pune 11 ili su već napunili 15 godina. Starost takmičara se potvrđuje izviđačkom knjižicom.

Ekipe se sastoje od 4 člana, slobodnog sastava.



Discipline

ZADACI NA STAZI

1. Predzadatak
2. Konstrukcija staze
3. Prolazak KS u prirodi
4. Test iz oblasti izviđačka organizacija
5. Test iz oblasti ekologije
6. Test iz oblasti prva pomoć
7. Reciklaža
8. Signalizacija (semafor)
9. Skica KS
10. Zaobiđi prepreke i ucrtaj put ili Kretanje po azimutu
11. Prva pomoć
12. Čvorologija

1. Predzadatak

Svaka ekipa dužna je da donese odredsku maramu i magnet na kojem je predstavljen grad, općina ili naselje iz koje patrola dolazi.

Bodovanje: 50 bodova

2. Konstrukcija staze

Ekipe će na kopiranoj topografskoj karti određenog omjera sa određenim zadacima (8 zadataka) pronalaziti kontrolne tačke.

Bodovanje: pronađena KS na karti x 20 bodova

3. Prolazak KS u prirodi

Ekipa je dužna da dođe na sve KS, po brojčanom redosljedu, od najnižeg broja prema najvećem.

Bodovanje: pronađena KS u prirodi x 80 bodova

4. Test iz oblasti izviđačka organizacija

Ekipe će dobiti test koji sadrži 5 pitanja iz oblasti izviđačke organizacije za kategoriju mlađi izviđači i planinke.

Bodovanje: tačan odgovor x 5 bodova

5. Test iz oblasti ekologije

Ekipe će dobiti test iz ekologije koji sadrži 5 pitanja iz oblasti ekologije.

Bodovanje: tačan odgovor x 5 bodova

6. Test iz oblasti prve pomoći

Ekipe će dobiti test iz prve pomoći koji sadrži 5 pitanja iz oblasti prve pomoći.

Bodovanje: tačan odgovor x 5 bodova

7. Reciklaža

Ekipa ima zadatak da u što kraćem vremenu razvrsta otpad po vrsti materijala (papir, plastika, metal) u za to pripremljene spremnike.

Bodovanje: za svaki tačno razvrstan komad ekipa će dobiti x 10 bodova (max 60)

8. Signalizacija

Ekipe su dužne da u roku od 90 sekundi pošalju 30 slova.

Bodovanje: max 90 bodova

9. Skica KS

Skica KS predstavlja jednostavan i pregledan crtež određenog terena izrađen slobodnom rukom u približnom razmjeru s označavanjem sjevera i topografskim elementima.

Bodovanje: max 100 bodova

10. Zaobiđi prepreke i ucrtaj put ili Kretanje po azimutu

Na određenom terenu ekipa samostalno prolazi put od jasno označenog ulaza, između jasno označenih prepreke do takođe označenog izlaza.

Bodovanje: max 100 bodova

11. Prva pomoć

Ekipa znanje iz prve pomoći demonstrira praktično.

Bodovanje: max 100 bodova

12. Čvorologija

Kako bi učesnicima bilo zanimljivije i inovativnije, ovu kontrolnu ćemo ostaviti kao iznenađenje. Dovoljno je da učesnici znaju osnovne čvorove (ambulantni, mrtvi, skraćivaljka, ribarski, policijski, vrzinu petlju).

Bodovanje: ispravan čvor x 10 bodova



Oprema

Lična oprema:

- Izviđačka košulja ili odredska majica sa amblemima
- Izviđačka marama
- Izviđačka knjižica
- Zdravstvena knjižica
- Kišna kabanica

Bodovanje: n x 10 bodova

Kolektivna oprema:

- Signalne zastavice
- Busola
- Komplet za pružanje prve pomoći
- Pribor za crtanje i pisanje
- **1 mobitel sa napunjenom baterijom i aktivnim brojem (mobilni internet). OBAVEZNO!**

Bodovanje: n x 10 bodova



Napomena

Svi učesnici takmičenja i gosti dužni su se pridržavati izviđačkih zakona i paziti na svoju disciplinu, jer u slučaju neprimjerenog ponašanja učesnika ekipi se oduzima određeni broj bodova (max -100), kao i mogućnost diskvalifikacije od strane organizatora.



Prijava

Odredi mogu prijaviti najviše 2 ekipe.

Prijave se vrše isključivo preko prijavnih listova koji su sastavni dio ovih propozicija.



Nagrada

Organizator je za sve ekipe obezbjedio diplome za učešće a za prvoplasirane ekipe pehare i vrijednu nagradu za pobjedničku ekipu.



Prijava

Prijave slati na e-mail adresu:

sigze@sigze.org

Kontakt:

Kemal Mahmutović, 061/461-594

Zekerijah Avdić, 063/022-164

Rok prijave

Prijave dostaviti najkasnije do ponedjeljka 05.04.2024. zaključno sa 16:00h.

Blagovremena prijava se boduje sa 50 bodova.